



Bou ons kinders vir môre

Sondagskool 3

Lestitel: Die gebod van die liefde

'n Ouerhandleiding

Sondagskooltuisonderrig



Liewe Ouer

Welkom by die les “**Die gebod van die liefde**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die gebod van die liefde
Bybelwoord	Johannes 13: 34 - 35.
Lesdoelwit	Die les leer ons dat Jesus liefde is. Dit skyn deur Hom. Ons kan hierdie liefde met ander deel. Deur liefde te betoon, wys ons dat ons kinders van God is.

Lesopsomming:

Voordat Jesus gevange geneem is, het Hy die volgende woorde aan sy dissipels gesê:

“ 'n Nuwe gebod gee Ek julle, dat julle mekaar moet liefhê; soos Ek julle liefgehad het, moet julle mekaar ook liefhê. Hieraan sal almal weet dat julle my dissipels is as julle liefde onder mekaar het.”

Hy het hulle geleer om mekaar lief te hê.

Hier is 'n paar verhale om die liefde wat ons aan mekaar kan bewys, te demonstreer:

Almal het gebid:

Toe die moeder siek geword het, het die gemeente gekom en gehelp. Hulle het gekook en skoongemaak, en die belangrikste, hulle het GEBID. Die moeder en baba broer is gesond en saam kan hulle die Here dank.

Erkenning van God se hulp

Om na 'n nuwe plek te verhuis kan vrees teweegbring. Toe hy bang en verward voel, het ons jong broer gebid. God het hom gehelp.

Hy het ook liefde van sy klasmaats ervaar. Toe hy nie kon swem nie, het hulle hom nie gespot nie. Hulle het aangebied om hom te help en selfs 'n ry gevorm om hom te help swem. Hy het die Here gedank vir die verhoor van sy gebede en vir die liefde en sorg wat ander hom betoon het.

Oud en jonk

Ons bejaarde suster Bradley het baie alleen gevoel. Sy kon weens haar ouderdom nie meer soveel doen nie. Sy was baie moedeloos. Toe ontvang sy 'n pragtige brief van die Sondagskoolklas. Sy kon hul liefde aanvoel. Sy het die Here gedank en gebid dat die kinders geseënd sal wees omdat hulle haar soveel liefde betoon het.



Wat beteken hierdie les vandag vir ons?

Wat wil die les ons leer?

Hier is maniere waarop ons liefde kan betoon:

- **Troos die wat hartseer is:** Stuur boodskappe, besoek waar moontlik en bid vir hulle.
- **Waar moontlik besoek diegene wat siek is:** Bid dat hulle vinnig sal herstel en dat God die dokters en verpleegkundiges wat na hulle omsien mag seën.
- **Help bejaardes:** Stuur vir hulle 'n kaartjie, omhels hulle, glimlag vir hulle; bied aan om hul sakke te dra, bied aan om vir hulle te lees of stuur selfs 'n SMS om hallo te sê. Bid vir hulle.
- **Ouers:** Maak julle ouers gelukkig, wees gehoorsaam, moenie jul beloftes verbreek nie, help hulle met take, vertel hulle dat julle lief is vir hulle. Bid vir hulle.
- **In die kerk:** Ons kan sing of 'n instrument bespeel, ons kan help skoonmaak, ons kan help as deurwagters. Ons kan ook vir die gemeente bid.
- **Ons vriende:** Luister na hul bekommernisse, moenie hulle terg of boelie nie, wees vriendelik. Bid vir hulle.

Sommige vrae wat ons kan vra:

- *Wie leer ons van liefde?*

Antwoord: Jesus is die volmaakte leermeester. Hy het liefde aan almal rondom hom betoon. En Hy het ook liefde teenoor God betoon. Ons ouers leer ons ook van liefde. Ons hoor van liefde in God se huis.

- *Hoe kan ons liefde aan ons broers, susters, vriende en bure betoon?*

Antwoord: Verwys na bogenoemde voorbeelde.



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.